

[www.BibleForChildren.org](http://www.BibleForChildren.org)



# Génesis 6



Noewänö cama ebä çai lä cuaano  
wei, ei tä ą li oni. Bei ijilubö 3  
ebä cuoma, Semö, Camö,  
Jafede bä ąfa lä cuono wei. Ai  
bä nofi bluca ma jushuano wei ma  
cui, Noewä a dodijaö ayaoma.

Yai Bada nija

a bufi  
cadidioma.

Öjö sho cęcöbö nofi  
shino  
tamayoma.



Yanowamö täbä lä bälöblai, Yai  
Bada tänö täbä möö fa  
cuaanö, bejedi tä ulifi bluca  
wəlidio fe balojooma.

Jödödöwä täbä lä bälöjono wei,  
bä shino yaclädii bufi lä doblao

wei tä ja, bä  
bufi yai  
wəlidiblamolayoma.

Bä bufi fa  
wəlidiblamolunö,  
bä bufi bluca wəlidia  
jödödöblaliyoma.



Öjö dajā, Noewä a yömölaö showadaoma.  
—Bei. Jödödöwä bä lä bälöblai, ya bä nia  
waicaö. Bä nofi shino waitelimou jushuaö  
yalo, tä ulifi wəlidiblamaö jödödöblou a  
lä culajei. Ya bä mö nia watäblaö  
nö mlao.




Defi lä shuu wei defibä ja, afä canawäfä bada  
a bada da tablalö —a cuma—. Yano fe  
döbädäwä a befi cai cuobä. Öjö wa fa  
tablalönö, fii fibä shuunö, ʘeshi jamö  
ma cui, sibosi jamö ma cui, a yʘlea  
da jödödöblalö, mau ubä faö  
mlaobä.



'Abinaja a blewä cuwä,  
wa tablabä —a cuma—.  
130 wa mata quea lä  
blajadou wei tä  
blajawä lä  
culenaja,

a labe cuobä.  
22 wa mata  
quea lä blajadou  
wei tä blajawä lä  
culenaja, a blaucuwä  
cuo mö feduobä.




13 wa mata quea lä  
blajadou wei tä blajawä  
lä culenaja, a nano çai  
ösöwä cuojolayobä.




'Cafänö, nii bä bluca lä waö  
wejei, bä bluca da dolalö.  
Wa bä nii fa dolalönö,  
canawä a jamö wa bä  
tablabä. Cafä wamacö  
iyabä, yalo bä çai iyaö mö  
feduobä, bä nii cuobä  
—a nowa  
tama.



Yalo bluca bä lä cublai, canawä a jamö bolacabö bä  
cudawä, wa bä çai nia lucälayou. Cafä nija bä demi  
cuobä, walo a, suwä a bä cudawä, wa bä çal  
lucäbä.




Täbä öshö dodomamobä, ya bä ʄafa yalo shami taö lä  
mlai bä lä cui, wʄalo 7 cäbä, suwä 7 cäbä,  
einaja bä cudawä, wa bä ʄai lucäbä. Ya bä  
ʄafa yalo shami lä taö wei bä ma cui, wʄalo  
a, suwä a, einaja bä cuwä wa bä  
lucämaö mö feduobä.






Inaja  
tä fe nia ulifi  
baoblou cuaaö  
yalo, canawä a  
jamö, Noewänö  
cama ebä nofi çai  
yashulayoma. Bä mishi duo  
mlaobä, bei suwäbö e, bei  
ijilubö ebä, bei tatä ebä, öjö  
bä nofi çai bluca bäyälayoma.





Noewänö  
lasha 600 a fa  
famalönö, belibo  
jaba a lä cuono wei a  
fa lublamalönö, ai a faö lä  
çõimi a jamö, a bëshäcublaliyoma.  
Öjö däjä showawä, 17 tä mö didi lä  
cublaliyono wei däjä, çõjomo jamö modu  
u bada lä cui, icalı u bada blëshäshou  
cuaaö showadaoma. Judu mösö lä läono  
wei mösö çai fa jädölonö, maa a bada çai  
blëshäblou mö fedua showadalayoma.






Mösö fa jädölönö, maa a quei mladou  
mlai ja, a bläshäshou cuaaö showao  
däjä, 40 tä mö didi cublaliyoma.



¿Öjö tawä? Bitä jamö u fa  
ocolunö, u ösöa dodijilayofälöma.  
Canawä bei a cadodaö  
feyacaoma.



U bada ösöa fa dodijilönö, bei mabä ma ösöblai ma  
cui, mabä fe bluca baoa fe yadilalema. Mashita jamö  
bei bä föshöacönö bä bluca lä demiono wei bä lä cui,  
bä nomaa jödödoolaliyoma.



Inaja u cuaaö nö ma dedeano wei ma cui,  
canawä a jamö Noewänö bä çai yalo lä  
didiono wei, Yai Bada tänö bä nofi bluca  
jaducubou showaoma. Mau u nia fa  
yalämanö, wadoli a bada shömölema.

Öjö däjä, u fa yalänö,  
u yanöcöwä  
laöafälöma.






Öjö däjä, 40 tä mö didi  
cublou fa çolonö, canawä a  
lä tano wei a ıeshi jamö  
culanö, Noewänö täca  
caloblalema. Öjö däjä, mau u  
nia bajadedewä möö fa çonö,  
joya a shömöa  
nomöjölema.




Ai a belibo faö çö däjä, öjö a lublou ajedou däjä, 27  
tä mö didi cublou fa çolonö, tä ulifi wejedi blou  
jödödöa çolayoma. Tä wejedio fa  
jödödöolalunö, abinaja Yai Bada  
tänö Noewä a nowa  
tama. —Bei.



Canawä a jamö wamacö lä didile, bä fao da  
çolalu. Cafä sho, suwäböfä sho, ijilufä bä  
sho, tatäfä bä sho, bä bluca da itotolalu.




Abinaja Noewä a cuaaö nomöjööma. Jeobaa  
nija, yalo a nia öshö  
lä dodobono wei a  
yalo maqueabä, maa  
mabä yododomaquema.  
Öjö däjä, bä lä juu wei bä  
ma cui, bä lä yäö wei bä  
ma cui, bä shami lä mlai ai  
bä yalo fa yaialalönö,  
bä shäalalema.




Bä fa shäalalönö,  
Jeobaa nija  
tä waqueshi  
waloamadayobä, bä  
yalo lä dodoblamou wei  
bä maqueblamobä täcö  
ja, bä öshömalema.





Abinaja Yai  
Bada a cuu çoma.  
—Bei. Cafä  
wamacö ma cui, yalo  
wama bä çai lä cule  
bä ma cui, bamacö nia  
bluca lä bayelibou wei,


ya wạ nõ wão lä cufe.  
Ya wạ nõ lä wäicufe,  
showadi tä nia cuo shi  
wạlii. Wamale ạ nofi  
jaducubobä, öläjashi a  
jamö ya täcö shii  
nia taaö.



Ei bāmacō  
nowa lä tafe  
wama tä ą nofi  
jaducubobä, ya täcō  
shii shadiamaō wä.  
'Showadi öläjashi ya bä  
lä taamaō wei

däjä, öjamō täcō shii  
fa wawälönö, ya wą nö  
lä wäono wei, ya tä nofi  
nia jaducubou showao  
—a cuma—.






Showadi  
bamacö nia lä  
bayelibou wei,  
jödödöwä bä demi  
lä cublai, ya bä nia lä  
bayelibou wei, ya tä nofi  
nia jaducubou.

¿Öjö tawä? Modu  
unö ya bä bluca  
mladamaö lä  
culofenaja, inaja  
tä nia cublou  
çödaaimi.



Öjö dajā, Yai Bada  
tänö Noewä ebä balamaö bufima.  
Abinaja bä nowa tama. —Bei.  
Wamacö ijilubö fa lalonö, bä da  
balalö. Jödödöwä tä jamö  
wamacö bälöjou cuaabä.  
Canawä a jamö, Noewä  
bei ijilubö ebä  
faa lä

çolaliyono wei, einaja  
ebä afa li cuoma.



Semö, Camö, Jafede  
bä afa cuoma. Camö a lä cui,  
Canaana bä föö e cuoma.  
Öjö Noewä bei ijilubö 3 ebä nija,  
täbä balaa fa çolunö, jödödöwä  
tä ulifi jamö yanowamö  
täbä bälöjou cuaaö  
çoma.



# Génesis 6 – 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Yanomamo (guu) ©2012, All Rights Reserved

<https://www.bible.com/en-GB/bible/2980/GEN.1.GUU>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

